

**Вольбы до органів самосправи сел**

**Інформація**

**о условиях права волити і права быти воленный**

Вольбы до органів самосправи сел будуть  
в субботу 24. октября 2026 од 7:00 до 20:00 год.

Право волити  
до органів самосправи сел

Право волити до органів самосправи сел має обчан Словацькой републикы ай чужінець, котрый має місто стабільного бываня в селі (дале лем „жытель села“) і найнекорше в день волеб досягне вік 18 років.

Прекажков права волити є законом окліщене обмеджіня особной слободы з доводу охрани верейного здравя, кедь особітний закон в часі пандемії не встановить інакше.

Право быти воленный  
до органів самосправи сел

За посланця обецного/містьского заступительства в главнім місті Словацькой републикы, а в місті Кошіці ай містного заступительства, може быти зволенный жытель села/міста, котрый мать місто стабільного бываня в селі/місті, в котрім кандідує, а найнекорше в день волеб досягне вік 18 років.

За старосту села, пріматора міста, старосту містьской части може быти зволенный жытель села, котрый мать місто стабільного бываня в селі і найнекорше в день волеб досягне вік 25 років.

Прекажков быти воленный є

- выкон тресту однятя слободы,
- правоплатне одсуджіня за умыселный трестный скуток, кедь одсуджіня не было загладжено,
- позбавліня способности на правны діла.